


K  $\frac{49}{2}$  004

ალექსანდრე  
სიბუა

მეცნიერული  
ბიბლიოთეკა




უიფროვანა  
ლალიძე



REPRODUCED FROM  
THE ORIGINAL

ალექსანდრე სიბუა



მეცნიერება  
და  
საზოგადოებრივი  
მეცნიერება

გამომცემლობა „საბჭოთა საქართველო“  
თბილისი — 1980

6638 (C. 222) (1011)

ლავლი, მოქალაქე 1869



„იგი, თუ საზოგადოება, მართო იმას უნდა იძახ-  
ხდეს „ჩვენებანს“, ვისაც რაიმე ღვაწლი მიუძღვის  
სიტყვით, თუ საქმით და ეს ღვაწლი გაგრძელდა-  
ბულია, უწყვეტსებულია მაღლითა; ამ სულერთია,  
თქვამს ეს ღვაწლი, თუ ქმნა, იმიტომ, რომ ზოგჯერ  
თქმა ქმნა არის“.

ილია შავჭავჭავაძე

149004

საქმ-2000

თ. თარძნის სახ. საბ.  
ბსრ სახელმწიფო  
რესპუბლიკის  
ბიბლიოთეკა

49004

1716

~ 5

## კვლევითი და საზოგადო მოღვაწე

მიტროფანე ლალიძის სახელი ფართოდაა ცნობილი არა მარტო საქართველოში, არამედ რუსეთსა და ევროპაში. მას ეს სახელი და პატივისცემა ადვილად არ მოუპოვებია. ამაში მისი ნიჭი, შრომა და ადამიანური კეთილშობილებაა ჩაქსოვილი. საინტერესოა, როგორ შეძლო ლარიბი აზნაურის შვილმა, რომელსაც უბეში მხოლოდ საშუალო განათლების ატესტატი ედო, როგორც თვითონ წერს, შეექმნა ხილულის ისეთი წყლები, თავისი სურნელებით, გემოთი და არომატით, განცვიფრებაში რომ მოჰყავდა არა მარტო ქართველები, არამედ რუსები, უკრაინელები და წარმოიდგინეთ, ევროპელებიც.

როგორც ილია წერდა: „საკმაო არ არის, რომ კაცი მეცნიერი იყვეს, დიდი სწავლა მიეღოს, ბევრი ცოდნა შეეძინოს. ამასთანავე იგი კაი კაციც უნდა იყოს და კაი კაცობის შემძლებობაც ჰქონდეს“<sup>1</sup>. დიახ, მიტროფანე ლალიძეს მშობლებმა ბავშვობიდანვე ჩაუნერგეს ყველაფერი ის, რის შესახებაც დიდი ილია წერდა: შრომისმოყვარეობა, სინდისი, კაიკაცობა, ზრდილობა, კეთილშობილება, მამულის სიყვარული. ყოველივე ამით გზა გაიკაფა ნიჭიერმა ჭაბუკმა და საქვეყნოდ ცნობილი კაცი გახდა. |

<sup>1</sup> ილია კავკავაძე — ტ. IV, გვ 293.

შეიძლება ამ სახელოვანი მამულიშვილის ბიოგრაფია და  
ღვაწლი ყველამ კარგად არ იცოდეს, მაგრამ, უეჭველია, ბევრ-  
მა იცის ლაღიძის სურნელოვანი, უალკოჰოლო ნატურალური  
ტკბილი წყლის ფასი და ვფიქრობ, ეს სრულიად საკმარისია  
იმათვის, ვისაც აინტერესებს ამ სახელოვანი კაცის ღვაწლი  
ჩვენი საზოგადოების წინაშე.

მიტროფანე ლაღიძის უალკოჰოლო სასმელები ისევე ცნო-  
ბილია რუსეთსა და ევროპის მრავალ ქვეყანაში, როგორც დი-  
დებული ჩვენი კახური ღვინო. სწორედ ამიტომ იყო, რომ ცნო-  
ბილმა რუსმა პოეტმა ვეგენი ვეტუშენკომ ლაღიძის ხილუელის  
წყლებს შესანიშნავი ლექსი მიუძღვნა:

#### ლაღიძის წყალი

გამოუცნობი არის ბრძენი, ვერ გააღვიძებ  
ოსტატში მთელემარ საიდუმლოს — ეს კანონია.  
წყლის საიდუმლო სამუდამოდ გაკევა ლაღიძეს,  
როგორც ტაბიქმ ლექსის ჯადო გაიყოლია.

ამ საუკუნის მრეწველობის სხივი ანათებს,  
ყველა შამპუნი „სიტროს“ დამლით დანაფერია,  
სამყაროსათვის გემოვნება და არომატი  
არაფერია, კეშმარიტად არაფერია.

მაგრამ მე მახსოვს გემოვნების მკაცრი წესდება:  
წყალში დახტოდა ლიმონების მომცრო სულები,  
უგემოვნება ლიმონათსაც თურმე ბეზრდება  
და წყლის წყურვილი შემშრალი აქვს ბაგეს სრულიად.

ქაფში ყვაოდა ლიმონების თეთრი ლიმილი  
და ამ ლიმილში ლაღიძესთან დაქდა წყვილიაღი...

კედებოდა კაცი — ეცლებოდა გულს სიმძიმელი,  
თავად სიკვდილშიც მზე ჟონავდა, შვება ღიაღი.



ოსტატთან ერთად მიდიოდა სხვა იმედებიც —  
კაცმა იცოდა, თან მიჰქონდა წყლის უკვდავება.  
ზოლოს ჭაბუკი დაიხარა, ჰკითხა ვედრებით:  
'რაშია თქვენი საიდუმლო ასე ღვთაება?'

ლალიძეს წუთით დაეძაბა მზერა გამჭრალი  
და ენისწვერთან მიიტანა თითი კანკალით<sup>1</sup>.

უადგილო არ იქნება მკითხველს გავაცნოთ მოკლე ბიოგრაფიული ცნობები მიტროფანე ლალიძისა, რომელმაც შეგვაყვარა ზილეულის უაღკოპოლო სასმელები, შეგვაყვარა იმ ადგილზე მისვლა, სადაც რუსთაველის პროსპექტზე ეს წყლები იყიდება.

მიტროფანე ერმალოს ძე ლალიძე დაიბადა 1869 წელს ქუთაისის მაზრის სოფელ ქოლევში, ღარიბი აზნაურის ოჯახში. მამამისი საკმაოდ განათლებული პიროვნება იყო. მან კარგად იცოდა რუსული ენა და მასთან, როგორც გონებამახვილ და გამჭრიახი გონების კაცთან, ქუთაისის ახლომახლო სოფლებიდან რჩევა-დარიგებისათვის მოდიოდნენ.

ღედა მიტროფანესი — გულჩინა უგრეხელიძე უადრესად დინჯი, ენაწყლიანი და შესანიშნავი მოსაუბრე ყოფილა.

მიტროფანე 14 წლისა იყო, როცა ქუთაისში ჩამოიყვანეს და მუშაობა დაიწყო კოკოჩაშვილისა და ივანოვსკის აფთიაქში. ცეზარ კარლოს ძე ივანოვსკი წარმოშობით პოლონელი იყო, რომელიც პოლიტიკურ ნიადაგზე საქართველოში გადმოესაზღვრებინათ. ფარმაციის მაგისტრი ივანოვსკი ჩინებულად ყოფი-

<sup>1</sup> თარგმანი პოეტ გრიგოლ ჯულუხიძისა.

ლა დაუფლებული თავის პროფესიას, მას სიყვარული და პატივისცემა თავისი პროფესიისადმი მოწაფეებისათვისაც ჩაუნერგავს.

აფთიაქის გარდა ივანოვსკის ქუთაისში ჰქონია ლიმონათის წარმოება, სადაც მიტროფანეც მუშაობდა. წარმოების პატრონი მიტროფანეს დიდი ყურადღებითა და სიყვარულით ეპყრობოდა, როგორც შრომისმოყვარესა და პატიოსან ჯაბუკს. იქ მიტროფანემ შესანიშნავად შეისწავლა ხილეული წყლების— უალკოჰოლო სასმელების წარმოების მეთოდი და ივანოვსკის გარდაცვალების შემდეგ წარმოებას თვითონ ჩაუდგა სათავეში. შრომისმოყვარე და ინიციატივიანმა მიტროფანემ 1900 წელს ქუთაისის ლიმონათის წარმოების ბაზაზე შექმნა ხილეული სასმელების წარმოების ამხანაგობა — მთელ დასავლეთ საქართველოში დიდად რომ გაითქვა სახელი.

ღაი, რას წერს პ. ჩაგელიშვილი მიტროფანე ლალიძის მიერ დამზადებული ხილეული წყლების უალკოჰოლო სასმელების შესახებ: „მიტროფანე ლალიძის მიერ დამზადებული სასმელები თავიდანვე უაღრესად დიდი პოპულარობით სარგებლობდა. მან პირველმა შემოიღო სასმელების ეგრეთწოდებული „გაკეთილშობილების“ მეთოდი, რაც იმით გამოიხატება, რომ ხილის წვენებთან ერთად სასმელს სათანადო ესენციაც ემატება. ეს უკანასკნელი დიდად აუმჯობესებს სასმელების არომატს. მიტროფანე ლალიძემ პირველმა გადაჭრა ჩვენში უალკოჰოლო სასმელების დასამზადებლად ნატურალური წვენების გამოყენების საკითხი. იგი განსაკუთრებულ ყურადღებას აქცევდა ნედლეულის ხარისხს და სასმელების წარმოების ტექნოლოგიის მკაცრად დაცვას. სასმელების ქარხნების ყველა იმდროინდელ მესაკუთრეთაგან განსხვავებით მიტროფანე ლალიძე უფრო მე-



ტად დაინტერესებული იყო ქართული სასმელების სახელით, ვიდრე ამხანაგობის მოგებით. სწორედ ამის გამო გაითქვა სახელი მისმა სასმელებმა, როგორც საქართველოში, ისე მის გარეთაც.) ქართული უალკოჰოლო სასმელების მაღალი ღირსება, რა თქმა უნდა, მხედველობიდან არ გამოპარვია მაშინდელ საქართველოს, რუსეთისა და უცხოეთის საზოგადოებას. (1913 წელს პეტერბურგსა და ვენაში სასმელთა საერთაშორისო გამოფენაზე ქართულმა უალკოჰოლო სასმელებმა ერთ-ერთი პირველი ადგილი დაიკავეს და ოქროსა და ვერცხლის მედლებით დაჯილდოვდნენ.)

[1906 წელს მ. ლალიძემ თბილისში დააარსა ლიმონათის ქარხანა. 1910 წლისათვის თბილისში არსებობდა ხილის წყლების 3 ქარხანა — მ. ლალიძისა, ე. ზემელისა და ვ. მამულაოვისა. მათ შორის ყველაზე უკეთესი ხარისხის ლიმონათს უშვებდა მ. ლალიძის ქარხანა, რომლის პროდუქცია საქართველოს საზღვრებს გარეთაც იგზავნებოდა.] მაგალითად, თბილისში მყოფი ირანელი ვაჭრები, როგორც განსაკუთრებულ საჩუქარს, ირანის დიდებულებსა და წარჩინებულ პირებს „ფეშქაშად“ უგზავნიდნენ ლალიძის მიერ დამზადებულ წყლებს<sup>1.4</sup>

[დიდია მიტროფანე ლალიძის დამსახურება უალკოჰოლო სასმელების მაღალ მეცნიერულ-ტექნიკურ დონეზე დამზადება-გამოშვების საქმეში.]

„უალკოჰოლო სასმელები, — წერს პ. ჩაგელიშვილი, — როგორც კვების პროდუქტი, გამაგრილებელი და წყურვილის დამაკმაყოფილებელი საშუალება, ფართოდ მოიხმარება წლის ყველა დროში. უალკოჰოლო სასმელები თანდათან ამცი-

<sup>1</sup> პ. ჩაგელიშვილი — უალკოჰოლო სასმელების წარმოება საბჭოთა საქართველოში (საქ. მეცნიერებათა აკადემ. „მოამბე“, 1963, № 6, გვ. 23—25).



მიტროფანე ლალიძე 900-იან წლებში

რებს არყის მოხმარებას და სულ უფრო ფართო ადგილს იკავებს მშრომელთა კვების რაციონში.

გარდა პირდაპირი მოხმარებისა, უალკოჰოლო სასმელებს ფართო საწარმოო დანიშნულებაც აქვთ, მათ იყენებენ კვების სხვადასხვა პროდუქტების საკონდიტრო ნაწარმის, ღვინის, ძმრის, ლიჭიორების, კისელის, ნაყინის და სხვათა დასამზადებლად<sup>1</sup>.

ყოველ დიდსა და საინტერესო წამოწყებას, რომელსაც შეეძლო ჩვენი ერი ესახელებინა და შორს გაეტანა მისი სახელი და ისტორია, ქართველი მწერლები, ქართველი საზოგადო მოღვაწეები მუდამ თანაგრძნობით ეკიდებოდნენ და ხელს უწყობდნენ. და, აი, აკაკი წერეთელმა 1900 წელს ქუთაისში გახსნილ მიტროფანე ლალიძის უალკოჰოლო სასმელებს ექსპრომტად ასეთი ლექსი უძღვნა:

სასმელების მეტოქე ვარ,  
ღვინის, ლუღის, წყლის და რძისა —  
ხილუულთა ესენცია —  
მიტროფანე ლალიძისა.  
გემოცა მაქვს, სუნიცა მაქვს,  
გთხოვთ ორივე გამისინჯოთ,  
თორემ ისე რად მინდიხართ  
მოხვიდეთ და გაღიბრინჯოთ<sup>2</sup>.

<sup>1</sup> პ. ჩაგელიშვილი — დასახელებული ნაშრომი, გვ. 23.

<sup>2</sup> შენიშვნა. მიტროფანე ლალიძის წყლების მაღაზია მოთავსებული იყო ქუთაისის ცნობილი ბუღკარის მოპირდაპირე მხარეს, სადაც მეზობლად კვიციანიძის წიგნებისა და ჟურნალ-გაზეთების მაღაზია გახლდათ. სწორედ ამ მაღაზიის წინ იკრიბებოდნენ თავადაზნაურთა ზოგიერთი უსაქმური წარმომადგენლები. მიტროფანე ლალიძისადმი აკაკის ექსპრომტად მიძღვნილი ლექსის ერთ სტრიქონში („მოხვიდეთ და გაღიბრინჯოთ“) პოეტი სწორედ ამ ხალხს ამითარხებს — ა. ნ.

1902 წელს მიტროფანე ლალიძე გაემგზავრა საზღვარგარეთ-  
გერმანიასა და საფრანგეთში. პარიზში გაეცნო და შეისწავლა  
ხილული წყლების წარმოების მეთოდი და ტექნოლოგია, რომელიც  
შემდეგ დიდი ცოდნითა და ეფექტიანობით გამოიყენა  
თავის წარმოებაში.

მიტროფანე ლალიძე, როგორც უკვე ვთქვით, მოძრავი და  
ინიციატივიანი კაცი იყო.

და, აი, ქუთაისის ბანკის მმართველის, ცნობილი საზოგადო  
მოღვაწის კირილე ლორთქიფანიძის დახმარებითა და ხელშე-  
წყობით საფრანგეთიდან სათანადო კომპანიისაგან მიიღო საკ-  
მაო კრედიტი ელექტროსადგურისათვის საჭირო დანადგარე-  
ბის შესაძენად. ეს ფრიალ დიდმნიშვნელოვანი წამოწყება პირ-  
ველად ქუთაისში 1904 წელს განხორციელდა და აშენდა ელე-  
ქტროსადგური, რომელმაც პირველად ქუთაისს მისცა ელექ-  
ტროგანათება. ამ ისტორიული ფაქტით ხალხი დიდად კმაყო-  
ფილი და აღფრთოვანებული დარჩა. ამის შესახებ 1904 წელს  
გაზეთი „ივერია“ წერდა: „ბატონ მ. ლალიძის ქარხანამ კარგი  
საქმე გააკეთა, ჯერ იყო და ქუთაისის თეატრი გაანათა ელექტ-  
რონით და ახლა კი ქალაქის ქუჩებსაც ანათებს. ეს აგერ ერთი  
კვირაა, რაც მთავარი ქუჩა სობორისა და ბულვარის გარშემო  
ელექტრონის ფარნებითაა განათებული. [ქუთაისში პირველად  
დამონტაჟებული ელექტროსადგურის სიმძლავრე თანდათანო-  
ბით გაიზარდა და ჩვენს დროშიაც კი, რიონპესის ექსპლოატა-  
ციაში გაშვებამდე მთელი სიმძლავრით ემსახურებოდა ქუთაი-  
სსა და მის მრეწველობას.]

შემდეგ მიტროფანე ლალიძემ საფრანგეთიდან მიიღო მა-  
ცივარ-დანადგარები ხელოვნური ყინულის მისაღებად, რომე-  
ლიც დაამონტაჟა ელექტროსადგურის მახლობლად კვების სა-  
ჭიროებისათვის. ეს იყო დიდი სიმძლავრის ქარხანა, რომლის

მიერ გამოშვებული პროდუქციით, ქუთაისის გარდა, ამარაგებ-  
და აგრეთვე ფოთის ნავსადგურის სამაცივრო მეურნეობასაც.

ცნობილმა პოეტმა კოლაუ ნადირაძემ ჩემი თხოვნით და-  
წერა პატარა მოგონება მიტროფანე ლალიძის შესახებ, რის-  
თვისაც უღრმეს მადლობას მოვახსენებ. აი, რას წერს იგი:

„ლალიძე იყო ენერგიული, ნიჭიერი და უადრესად პატი-  
ოსანი ადამიანი. მან უნარიანად მოჰკიდა ხელი უაღკოპოლო  
სასმელი წყლების დამზადებას და დიდი სახელიც მოიხვეჭა.

ქუთაისის მთელი საზოგადოება, დიდი და პატარა იკრიბე-  
ბოდა და სიამოვნებით მიირთმევდა უკვე სახელგანთქმულ  
„ლალიძის წყალს“, რომელიც იყიდებოდა ქუთაისის ცნო-  
ბილ ბულვართან ახლოს.

გარდა ამ ხელოვნურ-ხილული წყლებისა, მიტროფანე  
ლალიძემ ქუთაისში ააშენა ელექტროსადგური, რომელიც  
მთელ ქალაქს ანათებდა.

აღსანიშნავია აგრეთვე, რომ ქუთაისში პირველად ყინუ-  
ლის კეთება დაიწყო ლალიძის წყალთა ქარხანაში, მანამდე  
ქალაქ ქუთაისის მოსახლეობა სარგებლობდა ზამთრის პერი-  
ოდში მომარაგებული თოვლით, რომელსაც სპეციალურად აგ-  
როვებდნენ და ინახავდნენ განსაკუთრებულ ფარდულებში. იქ  
თოვლს ზევიდან აყრიდნენ ნახერხს და აფარებდნენ ჭილოფებს.  
ეს საშუალება ძლიერ ანელებდა თოვლის დნობის პროცესს“.

უფრო ადრე, 1902 წელს, აი რას მოუთხორობს გაზეთი  
„ივერია“ თავის მკითხველებს: „არქიელის გორაზე გაცხარე-  
ბული მუშაობაა წყლის მილის უმთავრეს აუზის გასაკეთებლად.  
მუშები მახლობელ სოფლებიდან ხარ-ურმებით ეზიდებიან ვინ  
სილას, ვინ კირს, წყალს, ცემენტს. ხე-ტყეს და სხვას. ქუთა-  
თურებს ანლა კი იმედი მოგვეცა, რომ ახლო მომავალში რიო-  
ნის სილა-წყალი ბროლივით ანკარა წყალზე შეგვეცვლება,

სწორედ ისე, როგორც კოკოჩევ-ხაინდრავა და აბზიანიძის მტვერ-ნებვ ნარევი ყინული მიტროფანე ლალიძის ბროლივით სუფთა ყინულზე შეგვეცვალა 29 ივლისს და ამ გვარიან სიცხეში ყელს იმით ვიგრილებთ ქუთათურები. სადილობის დროს ღვინოს უმისოდ არ გეახლებით, შუადღესა და საღამოობით კი მიტროფანესვე ხელოვნურ გემრიელ წყლებს ამავე ყინულით გაციებულს მივირთმევთ, ამნაირად ქუთაისიდან სააგარაკოდ გახვეწილთ კი აქვთ შემოსანატრი ჩვენ აქ დარჩენილთათვის და უეჭველია მალე გამოეშურებიან აქეთკენ“.

ხალხის სიხარულს და აღფრთოვანება-აღტაცებას საზღვარი არა აქვს, ისინი, როგორც „ივერია“ იტყობინება, ღღედალამ მუშაობენ, რათა მოსახლეობამ რიონის ამღვრეული და სილანარევი წყლის მაგივრად მიიღოს სუფთა და ანკარა წყარო. ეს უეჭველად დამსახურება იყო მიტროფანე ლალიძისა.

პირველად მიტროფანე ლალიძემ ძალიან ფართოდ გამოიყენა ხილეული წყლების უალკოპოლო სასმელის დასაყენებლად საქართველოში არსებული ადგილობრივი ხილ-კენკრის ნედლეული. ამასთან ის ზედმიწევნით ფრთხილად ეკიდებოდა ხილის ნედლეულის შერჩევას მიკრორაიონების მიხედვით. ასე, მაგალითად, ჟღლოს სიროფს ამზადებდა მხოლოდ ბორჯომის ხეობაში, უმთავრესად კი ბაკურიანში გავრცელებულ ხილ-კენკრით, რომელიც ძალიან სურნელოვანი და გემრიელი იყო, თუმცა ჩრდილოეთ კავკასიიდან შემოტანილი ნედლეული უფრო იაფი ჯდებოდა.

ამბობენ, მიტროფანე ლალიძეს წყლის დაყენების რაღაც საიდუმლოება ჰქონდაო, მაგრამ მას, როგორც ცნობილია, წყლის დაყენების არავითარი საიდუმლოება არ გააჩნდა, გარდა ბუნებრივი დეგუსტაციური ნიჭისა და კეთილსინდისიერი დამოკიდებულებისა საქმისადმი.)



შიტროვანე ლაღობის წარმოების ემბლემა

ერთხელ ბატონმა აკაკი შანიძემ მითხრა — მიტროფანეს შევეციოთხე, თუ როგორ აყენებდა ასეთ სურნელოვან და სასიამოვნო სასმელ წყალს. მან მიპასუხა — ბატონო აკაკი, მე არაფერს არ ვუმატებ იმ სურნელოვან ხილს, რაც ჩვენს მრავალფეროვან ბუნებას ასე უხვად მოუციაო.

— მამა განსაკუთრებული დეგუსტატორული თვისებით იყო შემკული, — მითხრა მიტროფანეს შვილმა მეცნიერების დამსახურებულმა მოღვაწემ, პროფესორმა რამაზ ლალიძემ, — სულ მცირედი ნიუანსების მიხედვით ინგრედიენტს ისეთნაირად შეარჩევდა, რომ პროდუქტი განსაკუთრებულ მომხიბლავ და გემურ, სურნელოვან თვისებებს იძენდა და ამრიგად ქმნიდა ისეთ კომპოზიციებს, რომლებსაც არაერთხელ დაუმსახურებიათ უმაღლესი შეფასება და პირველი პრემიები — ოქროსა და ვერცხლის მედლები, მათ შორის საზღვარგარეთაც, ვენაში, აგრეთვე პეტერბურგის გამოფენაზე 1913 წელს.

მიტროფანე ლალიძის რეცეპტებით გამოშვებულმა ხილფულის უალკოჰოლო ნატურალურმა სასმელმა წყალმა ძალიან ადრე მიიქცია ფართო საზოგადოებრიობის ყურადღება. მას ყველა ქართული ქურნალ-გაზეთი გამოეხმაურა. აი რას წერდა 1900 წელს გაზ. „კვალი“ (№ 17): „ქალაქის ბალის პირდაპირ, თუმანიშვილის ახალ შენობაში ბატონმა მიტროფანე ლალიძემ გახსნა მადნეულისა (იგულისხმება მინერალური წყლების—ა. ს.) და ხელოვნურად შემზადებული წყლების ქარხანა. ეს ახლად დაარსებული ქარხანა თავისი სიფაქიზით და კარგი სურნელოვანი წყლებით განირჩევა სხვა ქარხნებისაგან. აქვე მსურველებს შეუძლია ისარგებლონ ყველა ქართული გაზეთით და საუკეთესო რუსული ქურნალ-გაზეთებით“.

მ. ლალიძეს ახლო ურთიერთობა ჰქონდა აკაკი წერეთელთან. აი რას წერს გაზეთი „ივერია“ 1894 წელს (№ 267): „ამ





ორი წლის წინათ ბ. ლალიძის პირადი შეურაცხყოფისათვის გ. წ.-ს სასამართლომ ერთი თვის პატიმრობა მიუსაჯა, მაგრამ ბ. ლალიძემ სასამართლოში განცხადება შეიტანა, რომ ჩვენის პოეტის აკაკი წერეთლის მორჩენის გამო მიპატიებია თავად წ-სთვის პატიმრობათ. ეს მეტად საინტერესო ფაქტია, რომელიც მოწმობს პოეტისადმი დიდ პატივისცემას და უზომო სიყვარულს. ეს არის ხალხის ნამდვილი სიყვარული.

პოეტისადმი ეს სიყვარული და პატივისცემა იგრძნობა იმ შესანიშნავ და ბევრისმთქმელ მოგონებებშიც, რომლებიც მიტროფანე ლალიძეს დაუწერია 1942 წელს და ინახება საქართველოს გ. ლეონიძის სახ. სახელმწიფო ლიტერატურული მუზეუმის ხელთნაწერთა ფონდში (№ 13289). მოგონება მეტად საინტერესოა არა მარტო იმიტომ, რომ აკაკი წერეთლისა და მიტროფანე ლალიძის ხანგრძლივი მეგობრული ურთიერთობის შესანიშნავ ფურცელს გვაცნობს, არამედ იმიტაც, რომ მოგონებებში ჩანს პოეტის დიდი გატაცება და დაინტერესება, რომ ჩვენში დაარსებულყო ისეთი დაწესებულება, რომელიც უხელმძღვანელებდა და შეაგროვებდა ხალხური შემოქმედების ნიმუშებს, ლექსებს, ანდაზებს, იგავ-არაკებს, თქმულებებს, ხალხური მედიცინის შესახებ გადმოცემებსა და სხვა.

პოეტის მიერ ასი წლის წინათ ასე გულისტკივილით ნა-ნატრი ორგანიზაცია დღეს ჩვენს ქვეყანაში ჩამოყალიბებული და დაარსებულია. გვაქვს რამდენიმე ინსტიტუტი, სადაც მუშაობენ ცნობილი პროფესორები და მეცნიერი მუშაკები, რომლებიც აგროვებენ ხალხური შემოქმედების ნიმუშებს, მეცნიერულად ამუშავებენ და შემდეგ ცალკე წიგნებად უშვებენ.

წიგნში მოგონება ოდნავ შემოკლებით მოგვყავს.

ჩვენი ძვირფასი და საყვარელი მგოსნის აკაკის ერთ-ერთ დიდ სურვილს შეადგენდა ის, რომ დაარსებულყო რაიმე ორგანიზაცია, რომელიც მთელ საქართველოში შეაგროვებდა ძვირფას განძს, საუნჯეს — სხვადასხვა კუთხეში და სოფლებში გადარჩენილ ხალხურ თქმულებებს, ანდაზებს, ზეპირ-გადმოცემებს, ლექსებს, ზღაპრებს, მესტირულ და საერთოდ ხალხურ პოეზიას, ხალხური მკურნალობის ხერხებს სხვადასხვა ბალახეულობით, თაფლით, ირმის ქონით, ნადირის, ცხოველის ნაღვლით და სხვა ამისთანები, რაც თურმე ძველად ერთობ დიდ და კარგს შედეგს იძლეოდა ამა თუ იმ ავადმყოფების განსაკურნებლად, როგორც იყო ჭრილობისათვის უებარი წამალი ბალახი, ავი ზნისა და ბნედის სამკურნალო ბალახები. წინათ თურმე ბევრი გვყოლია ნამდვილი და მართალი ექიმბაშები, რომელნიც მართლა და დიდ სამსახურს უწევდენ ხალხს ბუნებრივი წამლობით. მისივე გადმოცემით, ძველ საქართველოში დიდად გავრცელებული ყოფილა უტყუარი და ნამდვილი მკურნალობა სიმღერით, გალობით, ნანინით, ჩონგურით, რითაც ამისი სპეციალური მცოდნე პირები კურნავდნენ თურმე მრავალნაირ ავადმყოფს. საერთოდ პოეტი ვერ მოესწრო მის სიცოცხლეში შეექმნა მისთვის სასურველ ფორმებში ისეთი ორგანიზაცია, რომელიც შეძლებდა ამ ძვირფასი საერო განძის, საუნჯის შეკრებასა და გადამუშავებას, რასაც აკაკი მეტად დიდ მნიშვნელობას აძლევდა. ნაწილობრივ მას ჰყავდა ამისათვის რამდენიმე პირი დაგზავნილი სოფლად, რომელნიც აგროვებდნენ აღნიშნულ მასალებს და აკაკი შესწორებულს ბეჭდავდა თავის ჟურნალ-კრებულში დროგამომშვებით.

აკაკის მე ვიცნობდი დაახლოებით 1892 წლიდან. იგი მეტიმეტად უახლოვდებოდა და ემეგობრებოდა დაბალი წრის



ღარიბ ხალხს, გლეხებს, მუშებს — ნოქრებს, როდესაც მე მას  
 გავეცანი და დავეუბლოვდი, ახალგაზრდა ვიყავი და ვმსახუ-  
 რობდი ერთ პატარა წყლის ქარხანაში, მისი ზეგავლენით და  
 ვიწყე ქართული წიგნების გავრცელება სოფლად და ქალაქად,  
 რკინიგზაზე. ვღებულობდი ხელმოწერას ჟურნალ „კვალზე“  
 და აკაკის ყოველთვიურ კრებულზე. შემდეგ მას მივთავაზე იმ  
 დროს აკრძალული წიგნები, ჟურნალები და სხვადასხვა ფურ-  
 ცლები, რის გამო 1905 წელს დამიკიერეს და გადასახლებას  
 მიპირებდენ.

კან. 3

1895 წელს ახალგაზრდების ერთმა ჯგუფმა ათიოდე კაცის  
 ხელის მოწერით აკაკის დაახლოებით შემდეგი შინაარსის წე-  
 რილი მივწერეთ: ჩვენ თქვენი ნაწერების და მოწოდების საშუ-  
 ალებით გაგებული გვაქვს ჩვენი მრავალტანჯული სამშობლოს  
 დღევანდელი გაჭირვება და მის გასანათვისუფლებლად მზად  
 ვართ პირველ თქვენ მოწოდებისთანავე თავი მოვუყაროთ  
 ასობით ჩვენ ამხანაგს და ვიბრძოლოთ ისე, როგორც იბრძოდ-  
 ნენ ჩვენი ძველი გმირები სამშობლოსათვის და რომელთა გმი-  
 რობა და თავგანწირვა თქვენ გაქვთ მრავლად აღწერილი. ამის  
 მნიშვნელობა ჩვენ შეგნებული გვაქვს. აკაკიმ ეს ჩვენ ყმაწვი-  
 ლურ ოცნებას მიაწერა, და იმავ დროს გვითხრა, რომ იმგვარ  
 ბრძოლებზე ჩვენს დროში და პირობებში მხოლოდ ბავშვებს  
 თუ შეუძლიათ იფიქრონ, თორემ სერიოზულად მაგისთანა  
 რამეებზე ფიქრი ჭკუასმყოფელ ადამიანებს არ შეუძლიათო.  
 დღეს ჩვენი მზრივ დიდი გმირობა და ვეჟაკობა ის იქნება,  
 თუ შევინარჩუნებთ ჩვენ ფიზიკურ არსებობას, ქართულ ენას  
 და მამაპაპათაგან ნაანდერძევე კარგ ადათებს — გაჭირვებუ-  
 ლის მოძმის დახმარებას და შევლას. მზად უნდა ვიყოთ და  
 ცოცხალი დავხვდეთ იმ ბედნიერ დღესა და დროს, როდესაც  
 ბრძოლა მართლა შესაძლებელი გახდება.

2. ა. სიგუა

წიგნი დრო კი აუ-  
 შ. შატაშვილის ნაწ. ს. 17  
 სსრ სსრ სსრ  
 ნაკაშვილის ნაწ.

ცილებლად დადგება მხოლოდ მაშინ, როცა მთელი დაჩაგრული ერები გამოიღვიძებენ. მაგრამ მე მაინც მახარებს თქვენი ყმაწვილური გატაცება.

ერთხელ რამდენიმე ახალგაზრდა ქალ-ვაჟი სოსიკო მერკვილადის ძმასთან ვიყავით შეკრებილი. შინაურული საღამო იყო. აკაკიმ წაგვიკითხა თავისი ახლად დაწერილი პოემა „ნათელა“. ჩვენ ყველანი ალტაცებაში მოვედით, პოეტს ვთხოვე მოეცანება ამ ნაწარმოების გამოცემისა. აკაკიმ გაიღმა, თუ მეტყვი, რა მოგეწონა ამ პოემაში, გამოცემის ნებას დაგრთავო. მე ვუთხარი ცოტნეს თავგანწირვა, ნათელას ინიციატივა, ხოლო რაც შეეხება ის შავბნელი დრო, რომელიც თქვენ პოემაში გაქვთ აღწერილი, ჩვენი დრო არის-მეთქი. აკაკი წამოდგა, მოვიდა ჩემთან, ხელი ჩამომართვა, გადამკოცნა და მითხრა: თანახმა ვარ გამოსცე ჩემი „ნათელა“, ოღონდ წიგნს ძვირი ფასი არ დაადოთო.

შემდეგ გამოვეცი „თამარ მეფე“, „გამზრდელი“. გამზრდელის ამბავი აკაკის უამბო ჯანსულ დაღეშქელიანმა. ეს ნამდვილი ამბავია.

დავით აღმაშენებლის შესახებ აკაკიმ მიაბო: როცა დავითს გელათის ტაძრის აშენება დაუპირებია, გადაწყვიტა ისეთი ადგილი გამოეძებნა, რომელიც ყოვლის მხრით შემოზღუდული იქნებოდა მთით და დაფარული ტყით. ასეთი ადგილი მოძებნეს, მაგრამ იქ ერთი გლეხი ესახლა, რომლისთვის უთხოვიათ, აქ წმინდა სახლს ვაშენებთ, ამიტომ სხვაგან უნდა დაგასახლოთო, ოღონდ აქედან ისე უნდა წახვიდე, გული არ დაგწყდესო და ჯამებით თვალმარგალიტი მიუტყიათ. მაგრამ გლეხს უთქვამს მეფისათვის: თვალმარგალიტი მე არ მინდა.

მხოლოდ გთხოვთ სადმე აქ ახლოს მიწის ნაკვეთი მომეცი, რომ არ მოგწოდებდნენ ჩემს ძველ მამაპაპულ სამოსახლო ადგილსო. მეფემ დააკმაყოფილა გლეხის თხოვნა და გამოუყო საცხოვრებელი ადგილი. ამის შემდეგ ეს გლეხი გელათის ტაძრის დარაჯად მუშაობდა, გვარად იყო ყაისარიშვილი.

აკაკის დავით აღმაშენებელი ძალიან უყვარდა, როცა სადმე მიდიოდა, ჯორი მიჰყავდა წიგნებით დატვირთულით, უყვარდა კითხვათ, თამარ მეფეს გამზადებული სახელმწიფო დაახვედრავო.

### მამა და შვილი

დილით სასტუმრო კოლხეთში შევედი აკაკის სანახავად. იგი შეწუხებული იყო, საღაც მიეჩქარებოდა. მისალმების შემდეგ ამბავი ვკითხე და მითხრა: ჩემი შვილის, ალექსის დებეშა მომივიდა, თუ არ დამეხმარე, თავი მოსაკლავი გამიხდებო. რაღაც საოპერო დასი მოეწყო და იქ ზარალი ენახა და ფულსა სთხოვდა მამას ვალების გასასტუმრებლად. აკაკი ბანკში მიდიოდა რაღაც ქონების დასაგირავებლად. მე ცოტა დავანუგეშე და ვუთხარი: ნუ გეშინია, თუ ჰკვიანია, თავს არ მოიკლავს, ხომ იცით, ბატონო აკაკი, შოთამ რა თქვა სიკვდილამდე ვის მოუკლავს თავი კაცსა გონიერსაო. ჩემი ამგვარი უთანაგობლობო პასუხი არ ეამა აკაკის და მითხრა: „შენ მეტი და უკეთესი პასუხი არ მოგეთხოვება, რადგან ჯერ მამა არა ხარ და მაგ სიტყვის პასუხი მაშინ მომეცი, როცა მამა შეიქნებო“. მე მივხვდი, რომ ჩემი უხეში პასუხი ვერ იყო შესაფერი, მაგრამ რაღას ვიზამდი, ცოტა ვეთამამებოდი და იმითომ მომივიდა ასეთი რამ“.

აი კიდევ ერთი საინტერესო მოგონება, რომელიც ეხება

აკაკი წერეთლისა და მიტროფანე ლალიძის ურთიერთობას და რომელიც 1977 წლის 4 აგვისტოს გაზეთ „თბილისში“ გამოაქვეყნა ნ. კველიშვილმა.

„— რუსთაველის თეატრის წინ, იქ, სადაც ახლაც ოფიცერთა სახლია, — გვითხრა ერთხელ ალ. ახმეტელმა, ხესთან იდგა გამოჩენილი ქართველი მსახიობი, დრამატურგი და საზოგადო მოღვაწე ვალერიან გუნია, ხელში ჟურნალი ეჭირა და ათვალიერებდა, ვუთხარი, ბატონო ვალერიან, გეტყობათ, ეს ადგილი ძალიან მოგწონთ-მეთქი:

— მართალია, მომიგო მან, მიყვარს და მცირე ხნით რომ არ შეგჩერდე, არ შემიძლიანო.

— როდესაც პერიოდულ გამოცემას „თეატრს“ ვრედაქტორობდი, — ვანაგრძო გუნიათ, აი იქ, — გაიშვირა ხელი ფოსტა-ტელეგრაფის შენობისაკენ, — ერთ ხესთან ხშირად მინახავს აკაკი წერეთელი. როდესაც ერთხელ კიდეც ვნახე, ცნობილ მეცენატს, უალკოპოლო სასმელების სპეციალისტს მიტროფანე ლალიძეს ესაუბრებოდა. ვერ მოვითმინე, მივედი და მეც თქვენსავით შევეკითხე, დღეს უკვე მესამედ გზავთ ამ ადგილს, ბატონო აკაკი, ალბათ მოგწონთ-მეთქი.

— კი! — გამიღიმა აკაკიმ, — ამ პატარა თუთის ხეს ისე ვერ ჩაეუვლი, რომ არ შევხედო და არ შეგჩერდე, მით უმეტეს მაშინ, როდესაც ასეთი კარგი მოსაუბრე შემხვდებო — მითხრა დიდმა პოეტმა და მიტროფანეზე მიმითითა“.

აკაკი წერეთელისა და მიტროფანე ლალიძეს შორის ქუთაისში დაწყებული გულითადი მეგობრობა თბილისშიც გაგრძელდა. 1906 წლიდან, მას შემდეგ რაც მიტროფანემ თავისი წარმოება თბილისში გახსნა, დიდი პოეტი აქაც ხშირად ნახულობდა მას და მეგობრული საუბარი ჰქონდა ხოლმე, პოეტი თავისებური გადაკვრითა და ხუმრობით ეტყოდა მიტრო-

ფანეს, შენი რეცეპტით გამოშვებულმა ხილის ნატურალურმა უალოკოლო სასმელმა წყალმა ქუთაისურ ამბოხს აჯობა და ერთი შეეჯიბრე კახურ დიდებულ ამბოხსაცო.

პოეტი-აკადემიკოსი და გამოჩენილი მკვლევარი გიორგი ლეონიძე მეტად საინტერესო ცნობებს გვაწვდის იმის შესახებ, თუ როგორ მოსწონდა სერგეი ესენინს ლალიძის წყალი. წერილში „ორიოდე სიტყვა სერგეი ესენინზე“ იგი წერს:

„ლალიძის სასმელი წყლიდან გამოვდივართ. იქვე, კუთხეში, ბრმა მეჩონგურე მღერის:

„რა კუყოთ, რომ შავი ვარ,  
დამწვარი ვარ მზისაგან,  
მეც ხომ ადამიანი ვარ,  
გაჩენილი ღვთისაგან“.

— რასა მღერის? — შემეკითხა ესენინი.

— ბიბლიას!

— როგორ? — გაოცდა იგი.

— სოლომონის ქებათა ქებას. „შავი ვარ და მშვენიერი... ნუ მხედავთ მე რამეთუ შავებულვარ“. მღერის როგორც დღევანდელს ლექსს. თითონაც არ იცის, რომ ეს სიყვარულის ლექსი ორი ათასი წლის სიძველისაა! — ვეუბნები მე.

— რა საოცარია! დგას ჩაფიქრებული ესენინი და დიდხანს შემომყურებს ღიმილით.

— ლალიძესთან დაკავშირებით მინდა ისიც გავიხსენო, რომ მის წყლებში ჩვენ გვიყვარდა შინდის წყალი (სისხლისებურად რომ აჩქეფდებოდა ხოლმე ქიქაში). ესენინიც უფრო შინდის წყალს თხოულობდა და რატომღაც მგონია ამ სტროფის ბოლო სტრიქონი „ლალიძით“ უნდა იყოს დავალებული.

Прости Кавказ, что я о них  
Тебе промолвил ненароком,



მიტროფანე ლალიძემ უალკოპოლო სასმელების დამზადების საკითხი საქართველოში მეცნიერულ სიმაღლეზე აიყვანა და ამით ავტორიტეტი შეუქმნა მის ფართოდ გამოყენება-მომარებას, არა მარტო საქართველოში, არამედ მთელ საბჭოთა კავშირში. ერთ-ერთ წერილში მიტროფანე ლალიძე წერს:

„1900 წლიდან საქართველოში მე შემოვიღე საუკეთესო ნატურალური წყლების, წვენებისა და სიროფების დამზადების ახალი მეთოდები, წესები და რეცეპტურები, რომლის წესით დამზადებული წყლები ხარისხის მხრივ მოწონებულ და ღირსეულად შეფასებულ იქნა ფართო საზოგადოების მიერ. ამ რეცეპტურით დამზადებული წყლები, როგორც გემოთი, ისე სურნელოვანებით საამურია და ჯანმრთელობისათვის სასარგებლოა იმიტომ, რომ ჩემი მეთოდით დამზადებულ სასმელებში არ იხმარება არავითარი სინთეტიური ესენციები და ქიმიკატები. აღნიშნული სასმელები არა ერთხელ გავგზავნე სხვადასხვა გამოფენაზე, როგორც რუსეთში, აგრეთვე საზღვარგარეთაც და ყველგან ჩემი რეცეპტით დამზადებული სასმელები მოწონებულ იქნა. მაგალითად, 1913 წელს პეტერბურგის ჰიგიენურ გამოფენაზე მაღალი და განსხვავებული ხარისხის ხილეული სასმელების დამზადებისათვის დიდი ოქროს მედალი მივიღე. აგრეთვე სხვადასხვა გამოფენაზე მივიღე პატარა ოქროსა და ვერცხლის მედლები ხილეულის წყლების საუკეთესო ღირსებისა და ხარისხისათვის“<sup>1</sup>.

როგორც დიდი და მოწინავე სპეციალისტი, მიტროფანე

---

<sup>1</sup> ესარგებლობ მიტროფანე ლალიძის ოჯახში დაცული პირადი არქივის მასალებით.



ლადიძე მიიწვიეს მოსკოვში. იქ მას საუბარი ჰქონდა მთავრობისა და პარტიის ხელმძღვანელებთან. მას დაავალეს მოსკოვში და რუსეთის სხვა ქალაქებში გაეხსნა უალკოჰოლო ხილეული წყლების საფირმო მალაზია. გარდა ამისა, 1934 წელს მიტროფანე ლადიძე უკრაინის პარტიისა და მთავრობის ხელმძღვანელობამ მიიწვია კიევში, სადაც ის შეხვდა კოსიორსა და პოსტიშევს, რომლებმაც სთხოვეს უკრაინის ქალაქებში გაეხსნა ხილეული წყლების საფირმო დარბაზები. მიტროფანე ლადიძემ კიევში წაიკითხა რამდენიმე მოხსენება, ლიმონათის ქარხნების მუშებს გააცნო თავისი რეცეპტურით დამზადებული სურნელოვანი წყლების დამზადების წესები.

„ეს ჩემი გაუმჯობესებული რეცეპტურა, — წერს ლადიძე, — აგრეთვე გადავეცი მოსკოვის, ლენინგრადის და კიევის უალკოჰოლო წყლების ქარხნებს, სადაც 1934 წელს მიმიწვიეს საკონსულტაციოდ. ჩემი მეთოდით დამზადებული უალკოჰოლო სასმელი წყლები, მოსკოვის მიერ დამტკიცებულ რეცეპტურასთან შედარებით, გაცილებით უკეთეს ხარისხის სასმელ წყლებს იძლევა. მის დასამზადებლად აგრეთვე ბევრად ნაკლები ძვირფასი დეფიციტური მასალები იხარჯება, ვიდრე მოსკოვის მიერ დამტკიცებული რეცეპტურით. ამასთან ეკონომიას აძლევს სახელმწიფოს“<sup>1</sup>.

მიტროფანე ლადიძის სურნელოვანი წყლებით, მისი დაყენების მაღალი ტექნოლოგიით მრავალი ქვეყანა დაინტერესდა და არაერთხელ მიუღია მოწვევა ირანიდან, ეგვიპტიდან და სხვა ქვეყნებიდან, რათა ამ ქვეყნებში გაეხსნა თავისი წარმოება. ამისათვის უცხოელი საქმოსნები მეტად ხელსაყრელ

<sup>1</sup> ესარგებლობ მიტროფანე ლადიძის ოჯახში დაცული პირადი არქივის მასალებით.

პირობებს პირდებოდნენ მიტროფანეს — კაპიტალურ დაბან-  
დებას თვითონ კისრულობდნენ და შემოსავლის ნახევარს მას  
აძლევდნენ. მაგრამ არც ერთი ქვეყნის საქმოსანთა წინადა-  
დება მას არ მიუღია.

1952 წელს გაზეთ „კომუნისტი“ მოსკოველი კორესპონ-  
დენტი წერდა: „საქართველოს ლუდ-ლიმონათის ტრესტი გა-  
მოსაშვებად ამზადებს ახალ სასმელს „ლიმონათს“ მ. ლალი-  
ძის რეცეპტის მიხედვით. ეს ახალი მასობრივი სასმელი დაი-  
კავებს საბჭოთა კავშირის უალკოჰოლო სასმელების სამრეწ-  
ველო პროდუქციათა 40 პროცენტს.

გარდა ამისა, გადასინჯულია ამჟამად არსებული რეცეპ-  
ტურა სხვა სასმელებისა, როგორც არის „მსხალი“, „კრემ-  
სოდა“, „სიტრო“, „შვინდი“, „მანდარინი“ და სხვ. ძირითა-  
დად მიღებულია მ. ლალიძის რეცეპტურა.

მ. ლალიძე დანიშნულია სსრ კავშირის კვების მრეწველო-  
ბის სამინისტროს „გლავფერუქტოვოდის“ მთავარ კონსულ-  
ტანტად. მას დავალებული აქვს თვალყური ადევნოს მთელ  
ჩვენს ქვეყანაში უალკოჰოლო სასმელების ხარისხის გაუმჯო-  
ბესებას<sup>1</sup>.

ეს იყო უდიდესი ნდობა, პატივისცემა და აღიარება, რო-  
მელიც მიტროფანე ლალიძის კეთილშობილურმა შრომამ,  
პროფესიულმა ოსტატობამ და გამოცდილებამ დაიმსახურა.

ჩვენს დიად ქვეყანაში მიტროფანე ლალიძემ პირველმა  
შეიმუშავა ხილის ნატურალური წვენებით უალკოჰოლო სას-  
მელების დამზადების ტექნოლოგია. აქ მნიშვნელოვანი და სა-  
ყურადღებო ის არის, რომ მისი რეცეპტით დამზადებულმა  
ხილეულის წყლებმა ბევრი ჩვენი ახალგაზრდა გადააჩვია ალ-

<sup>1</sup> იხ. გაზ. „კომუნისტი“, 1952 წ. 11 დეკემბერი, № 291.

კოპოლიანი სასმელების უზომო მიღებას. ამიტომაც, რომ წლის რომელი თვეც უნდა იყოს — გაზაფხული, ზაფხული, შემოდგომა თუ სუსხიანი ზამთარი — მუდამ ხალხით სავსე არუთაველის პროსპექტზე მდებარე დარბაზი, სადაც იყიდება მიტროფანე ლალიძის სახელით ცნობილი ხილეულის წყლების ტკბილი სასმელები; ამ ლამაზად გაფორმებულ დარბაზისაკენ ყველას მიეჩქარება, ყველა მიისწრაფვის — მოხუცი თუ ახალგაზრდა, მუშა და ინჟინერი, მწერალი თუ მსახიობი.

კარგად წერდა ამ რამდენიმე წლის წინათ იუმორისტული ჟურნალი „ტარტაროზი“.

უკვე დაიწყო სიცხე, დგება ბული და ალი.  
რა გვეშველება, თუ კი არ ვსვით ლალიძის წყალი.

დარბაზში ნახავთ არა მარტო ჩვენი ქვეყნის შორეული კუთხეებიდან, არამედ ტურისტული საგზურებით ჩამოსულ უცხოელებსაც, რომლებიც სურნელოვანი ხილეულის წყალს დინჯად, აუჩქარებლად ნელ-ნელა სვამენ, დეგუსტატორივით სიამოვნებით აჰაშნიკებენ ლიმონისა თუ მანდარინის, ასკილისა თუ ჟოლოს წვესს, ამ შვებისმომგვრელ გამაგრილებელ სასმელს. თუ ავადმყოფი აბესალომი განკურნებისათვის უკვდავების წყაროს ალგეთში ეძებდა, ასეთი წყარო ჩვენ თბილისში რუსთაველის პროსპექტზე, საოპერო თეატრის გვერდითა გვაქვს, რომელსაც ეძახიან მიტროფანე ლალიძის ხილეულის სურნელოვან უალკოჰოლო სასმელს.

მიტროფანე ლალიძის მთელი ხანგრძლივი მოღვაწეობა შორს სცილდება წმინდა კომერციულ საქმიანობას. ის იყო ქველმოქმედი მრეწველი, ამ სიტყვის ფართო მნიშვნელობითა და გაგებით. ვფიქრობთ, მთელი მისი წარმოება უფრო მეცნიერულ-ექსპერიმენტულ ლაბორატორიას წარმოადგენდა,

სადაც მიმდინარეობდა შეუნელებელი ძიება ხილული სურ-  
ნელოვანი წყლების გაუმჯობესებისა.

როდესაც ვეცნობით საქართველოს მრეწველობის ისტო-  
რიას, ამ მრეწველობის თავკაცთა საქმიანობასა და მოღვაწეო-  
ბას, ის დასკვნა გამოგვაქვს, რომ ერთი წილი ქართველი  
მრეწველებისა ხელგაშლილი იყვნენ, ეროვნულ საქმეებს ისე  
ეკიდებოდნენ, როგორც დიდი სახელმწიფო მოღვაწენი, დიდი  
მამულიშვილები. ამის შესანიშნავ მაგალითს იძლევა დავით  
სარაჯიშვილი, რომელმაც მთელი თავისი ქონება სიცოცხლე-  
შივე ქართველ ხალხს დაუტოვა და ანდერძით აღნიშნა, რომ  
მთელი მისი ფული მოხმარდეს თეატრებისა და მუზეუმების,  
სკოლების, უმაღლესი სასწავლებლებისა და სამკითხველოების  
შენება-გახსნას, ძეგლების დაცვა-აღდგენას, ძველი ხელთნაწე-  
რების შექნასა და ხელოვნების ღარიბი მუშაკებისათვის დახ-  
მარებას და სხვა საქველმოქმედო საზოგადოებებისათვის ხე-  
ლის შეწყობას. დავით სარაჯიშვილმა ნიკო ცხვედაძეს უმაღ-  
ლესი სასწავლებლის ასაშენებლად 60000 მანეთი მისცა და  
უთხრა: ვეთაყვა, თუ ფული კიდევ დაგჭირდება, მითხარი და  
მოგცემო. დავითის გარდაცვალების შემდეგ მისმა მეუღლემ  
ეკატერინე ფორაქიშვილმა დარჩენილი ფული და სხვა სიმ-  
დიდრე ქართველ საზოგადოებრიობას გადასცა.

დავით სარაჯიშვილი იყო ჭეშმარიტი ეროვნული მოღვა-  
წე, მისი გარდაცვალების დღეებში აკაკი წერეთელი, იაკობ  
გოგებაშვილი, ალექსანდრე ხაზანაშვილი, ლუარსაბ ბოცვაძე  
და სხვა ჩვენი საზოგადო მოღვაწეები წერდნენ, რომ რაც  
ქართველი საზოგადოებიდან მიიღო დავით სარაჯიშვილმა,  
ქართველ ხალხს უკანვე დაუბრუნაო.

„ყველგან და ყველაფერში უნდა იყო პატიოსანი ადამიან-  
ნი, ეს უფრო მეტია, ვიდრე იყო მილიონების პატრონი“.

ასეთი ანდერძი დაუტოვა დავით სარაჯიშვილმა ქართველ ხალხს, ქართველ ახალგაზრდობას. ვის შეეძლო ასეთი სიტყვები დაეწერა და დაუტოვებინა ანდერძად, თუ არა იმ ადამიანს, რომელსაც გულში ერის სიყვარული და პატივისცემა უღვივოდა და უნათებდა. ანდა, როგორც იაკობ გოგებაშვილი წერდა დ. სარაჯიშვილის შესახებ: „ყმაწვილობიდან გულში ღრმად ჩაენერგა სამსახური თავისი ქვეყნისა, მისი სიკეთე, მისი შვება და ლხენა, მისი ჭირ-ვარამის შემცირება და მოსპობა“.

მიტროფანე ლალიძეს მუდამ გვერდში ედგა შრომისმოყვარე, გამჭრიახი და ნაზი ბუნების მქონე მეუღლე ოლიმპიადა ანდრიას ასული ვახანია. ის დაიბადა 1883 წელს ზუგდიდში დეკანოზ ანდრია ვახანიას ოჯახში. ანდრია ითვლებოდა პლატონ იოსელიანის ნიჭიერ მოწაფედ. ოლიმპიადა სწავლობდა ქუთაისის წმინდა ნინოს სასწავლებელში, რომელიც წარჩინებით დაამთავრა. შემდეგ თავისი ცხოვრება დაუკავშირა მიტროფანე ლალიძეს. მიუხედავად იმისა, რომ იგი მრავალი შვილის დედა იყო, მაინც დიდ დახმარებას უწევდა მეუღლეს მის მიერ წამოწყებულ საქმის გაძლოლაში. ოლიმპიადა კარგად ერკვეოდა ხილუული წყლების დამზადების ტექნოლოგიაში, ჰქონდა ჩინებული გემოვნება, ხელმძღვანელობდა მიტროფანეს დაწყებულ მრავალ სამეურნეო საქმეს, განსაკუთრებით მაშინ, როდესაც იგი საზღვარგარეთ იმყოფებოდა.

ლალიძე მუდამ ახლის ძიებაში იყო, რითაც ამდიდრებდა ჩვენი ერის მრეწველობის ისტორიას და საფუძველს უყრიდა ახალ-ახალ წამოწყებებს. ასე, მაგალითად, სამთო და ქიმიური მრეწველობის მნიშვნელოვან ობიექტს — ბარიტის მოპოვებას, რომელსაც იყენებენ საღებავების დასამზადებლად, საქართველოში საფუძველი პირველად მიტროფანემ ჩაუყარა.

მას ბარიტი შემოჰქონდა ქუთაისიდან—ახლომდებარე სოფელ  
ეონეთის საბადოდან, წინასწარი დამუშავებისა და ვამლიდ-

საქონელი  
საქონელი



ოლიმპიადა ვახანია-ლალიძისა  
(1883—1942).

რების შემდეგ მას პეტერბურგსა და რუსეთის სხვა ქალაქებში  
გზავნიდა.

დიდი დამსახურებაა ისიც, რომ ჩვენს დროში უაღკოპოლო სასმელების ქარხანასთან თბილისში მისი ინიციატივით აშენდა ნახშირმუხავა ვაზის ქარხანა ახალი პროგრესული ტექნოლოგიით. ფაქტიურად ეს ქარხანა ერთადერთი ობიექტი იყო, რომლის ტიპური დანადგარებისა და მოწყობილობის შესასწავლად პრაქტიკას გადიოდნენ პოლიტექნიკური ინსტიტუტის ქიმიური ტექნოლოგიის ფაკულტეტის სტუდენტებიც.

მიტროფანე ლალიძეს არ ჰქონდა ისეთი სიმდიდრე, როგორც დავით სარაჯიშვილს, მაგრამ რაც გააჩნდა, კეთილშობილურად და დაუზარელად ახმარდა ჩვენს საზოგადოებას, ჩვენს ხალხს. „მე ფული არ მქონდა, — წერს მიტროფანე, — მაგრამ ვაგროვებდი ვაჭარ-ნოქრებს შორის და ქუთაისში მოქმედ რევოლუციონერებს ვეხმარებოდი“. ასე იქცეოდა ის ყველგან — ქუთაისსა თუ თბილისში, მოსკოვსა თუ პარიზში. იგი ერთნაირად საყვარელი იყო ჩვენი შშრომელი და პატიოსანი ხალხისათვის, მწერალი იყო თუ მუშა, გლეხი თუ მასწავლებელი, ინჟინერი თუ აგრონომი. სწორედ სამშობლოს, ხალხის სიყვარულმა შეაძულა მიტროფანეს მეფის რეჟიმი და იმ აზრამდე მიიყვანა, რომ გამხდარიყო რევოლუციონერი და აქტიური მონაწილეობა მიეღო საქართველოს რევოლუციურ მოძრაობაში.

ქუთაისის ინტელიგენცია მთელ საქართველოში მოწინავე და განათლებული ინტელიგენცია იყო, იგი რევოლუციურ მოძრაობას სათავეში ედგა და შშრომელ ხალხში აღვივებდა ბრძოლას ცარიზმის წინააღმდეგ. ეს ინტელიგენცია ქუთაისის ცნობილ ბულვარში, რომელსაც ერთ დროს აკაკი წერეთელმა პარლამენტი უწოდა, სისტემატურად თავს იყრიდა და კამათობდა რევოლუციასა და მარქსის მოძღვრებაზე. ამ დავასა და კამათში ახალგაზრდა მიტროფანე მხურვალედ მონაწილე-

ობდა და პრაქტიკულად ეხმარებოდა გამოჩენილ რევოლუციონერებს. ცნობილი რევოლუციონერი მიხა ცხაკაია ახლოს იცნობდა მიტროფანე ლალიძეს. თავის მოგონებაში, რომელიც მან დაბეჭდა 1923 წელს გაზეთ „კომუნისტი“<sup>1</sup> წერს, რომ 1893 წელს გაზაფხულზე კინალამ ჩაგვეშალა საზღვარგარეთიდან არალეგალური ლიტერატურის მიღებაო. ტრანსპორტი ვარშავაში დაიჭირეს და მხოლოდ 3—4 წლის შემდეგ მე მოვახერხე ქუთაისით (იმ დროს აფთიაქის მოწადის მიტროფანე ლალიძის მიერ მოცემული მისამართით) მთელი კავკასიისათვის არალეგალური ლიტერატურის ჩამოტანაო.

მიტროფანე ლალიძის პირად არქივში დაცულია მეტად საინტერესო დოკუმენტები, რომლებიც მისთვის მიუცია ქუთაისის საარქივო სამმართველოს. მასში აღნიშნულია, თუ როგორ დევნიდნენ და ავიწროვებდნენ მიტროფანეს ქუთაისის ქანდაკერიის აგენტები რევოლუციური მოღვაწეობისათვის. თითოეულ ამ დოკუმენტში ნათლად ჩანს ახალგაზრდა კაცის გაუტეხელი და მტკიცე ხასიათი<sup>1</sup>.

1904 წელს მიტროფანე ლალიძემ საშა წულუკიძის, მიხა ცხაკაიასა და ივანე გომართლის წინადადებით თავის ქარხანაში შემოიღო რვასაათიანი სამუშაო დღე, რაც იმ დროისათვის მეტად იშვიათი მოვლენა იყო. 1890 წლიდან 1917 წლამდე მიტროფანე აქტიურად მონაწილეობდა რევოლუციური მოძრაობაში და თავდადებით, დაუზარელად ეხმარებოდა გამოჩენილ რევოლუციონერებს. როგორც ცნობილია, ჯერ კიდევ 1897 წელს მიხა ცხაკაიამ მოაწყო საზღვარგარეთიდან ქუთაისში არალეგალური ლიტერატურის გამოგზავნა, რო-

<sup>1</sup> იხ. გაზეთი „კომუნისტი“, 1923 წელი, 14 მარტი, № 57. მიხ. ცხაკაიას წერილი „რუსეთის კომპარტიის არსებობის 25 წლისთავზე“.



მელსაც მიტროფანე პირადად ღებულობდა იმ მისამართით, რომელიც მან ცხაკაიას ადრე მისცა. შემდეგ საზღვარგარეთიდან და რუსეთიდან მიღებულ არალეგალურ ლიტერატურას იგი უშიშრად ავრცელებდა ქუთაისში, თბილისში, ჭიათურასა და ბათუმში. არალეგალური ლიტერატურის გავრცელებისა და ვაფიცვის მოწყობისათვის, როგორც ეს საარქივო დოკუმენტებიდან ჩანს, მეფის მთავრობამ იგი სამჯერ დააპატიმრა და ქუთაისის ციხეში ჩასვა. მას მისჯილი ჰქონდა გადასახლება. როგორც ამავე დოკუმენტებიდან ირკვევა, მიხაკაიასა და საშა წულუკიძის დავალებით იგი ქუთაისში აწყობდა მუშების, ნოქრებისა და მოწაფეების საიდუმლო კრებებს, სადაც გამოდიოდნენ მიხაკაია, საშა წულუკიძე, ალიოშა ჯაფარიძე და სხვები.

1903 წელს საშა წულუკიძის დავალებით მიტროფანე ლაღიძე ქუთაისში მონაწილეობდა მაღაზიების, ქარხნის მუშების, სასწავლებლებისა და სახელოსნოების მუშა-ახალგაზრდობის მიერ მოწყობილ საპროტესტო სამდღიან დემონსტრაციაში. იგი აქტიურად მონაწილეობდა აგრეთვე ქუთაისის ციხის გვირაბის გაყვანასა და ციხიდან რევოლუციონერების გაქცევაში. გაქცეულთაგან რვა კაცი მიტროფანემ გაგზავნა სოფელ გოდოგანში და იქ ჰყავდა დამალული.

მკითხველისათვის ცნობილია, რომ ეს წლები დასავლეთ საქართველოს ცხოვრებაში მეტად მძიმე იყო. იმხანად საქართველოში რევოლუციის წინააღმდეგ ამოქმედდა მეფის ადმინისტრაციის მთელი აპარატი, რომელსაც მეთაურობდა ქუთაისის გენერალ-გუბერნატორი, თავისი მხეცური სისასტიკით ცნობილი ალიხანოვ-ავარსკი, სწორედ ის ალიხანოვი, რომელმაც გადაწვა და გაანადგურა დასავლეთ საქართველოს მრავალი სოფელი და ქალაქი. მაგრამ რევოლუციონერებს ფარხმა-

ლი მაინც არ დაუყრიათ და განაგრძობდნენ მეფის ხელისუფლების წინააღმდეგ ბრძოლას. ამ ბრძოლებში მიტროფანე ლალიძეც აქტიურად მონაწილეობდა.

„ამ მოწინავე ადამიანების გვერდით, — წერს აკადემიკოსი კ. ერისთავი, — არ შემოძლია არ დავასახელო მიტროფანე ლალიძე, ცნობილი ლალიძის წყლების ავტორი. ეს ხალხი მთელ ქართველ ინტელიგენციასთან ერთად დიდ დახმარებას უწევდა ყოველ პროგრესიულ წამოწყებას, როგორც თავისი ცოდნით, ასევე მატერიალურადაც“<sup>1</sup>.

ილია ჭავჭავაძის თანამედროვე მწერალი და კრიტიკოსი ილია ბახტაძე 1957 წელს გაზეთ „ახალგაზრდა კომუნისტში“ წერდა: „მახსოვს, 1906 წელს, როდესაც ქუთაისში გუბერნატორობიდან გადააყენეს ვლადიმერ სტაროსელსკი, რომელსაც ცოლად ჰყავდა ილია ჭავჭავაძის ცოლის ოლღა გურამიშვილის და, ხოლო გუბერნატორად მხეცი ალიხანოვ-ავარსკი დანიშნეს, დააპატიმრა უალკოჰოლო წყლების ცნობილი ოსტატი მიტროფანე ლალიძე და გაძლიერებული ძებნა დაუწყეს მის ძმას მიხაკოსაც.

მიტროფანე ლალიძის დაპატიმრებამ ქუთაისში საგრძნობლად შეაფერხა მისი ლიმონათის ქარხნის მუშაობა, რომელიც საუკეთესო გემოსა და სურნელების უალკოჰოლო წყლებს ამზადებდა. ამან ბევრი ჩვენი საზოგადო მოღვაწე დაადონა. დიდად განიცადა მიტროფანე ლალიძის დაპატიმრება აკაკი წერეთელმა, რომელიც დაახლოებული იყო მიტროფანეს ოჯახთან. მას ჩვენში ბევრი კარგად იცნობდა არა მარტო როგორც უალკოჰოლო წყლების გამოჩენილ ოსტატს, არამედ რო-

<sup>1</sup> კონსტანტინე ერისთავი — „მოგონება“, გამომცემლობა „საბჭოთა საქართველო“, 1973, გვ. 40.

გორც ჩვენი ყოველგვარი კულტურული საქმიანობის აქტიურ ხელშემწყობსა და დამხმარეს. იგი ქუთაისში ეწეოდა ქართული წიგნების გამოცემას, მას საკუთარ ბიბლიოთეკაში ახალაღაც დაცული აქვს 90-იან და შემდგომ წლებში მის მიერ გამოცემული აკაკი წერეთლის, პარმენ თვალჭრელიძის (ცახელიის) ლექსების კრებული და სხვა ავტორების ნაწერები, აქტიური წევრი იყო ქართველთა შორის წერა-კითხვის გამავრცელებელი საზოგადოების, დრამატული საზოგადოების და ზოგჯერ ფულითაც ეხმარებოდა ჩვენს მწერლებსა და საზოგადო მოღვაწეებს, რომლებიც მეფის მთავრობის დროს ხშირად დიდ ნივთიერ გაჭირვებას განიცდიდნენ.

ქუთაისში ვიყავი, როდესაც მიტროფანე ლალიძეს მეფის მთავრობამ ადმინისტრაციული წესით ციმბირში გადასახლება გადაუწყვიტა. გადასახლებიდან რომ დაეხსნათ, მახსოვს, მაშინ ქუთაისში ბევრი გავლენიანი პირი დატრიალდა, მაგრამ ამოდ. როდესაც ლალიძის მეუღლემ, რომელიც საზოგადოებრივ საქმიანობაში არ ჩამორჩებოდა ქმარს, დაინახა, საქმე ცუდად იყო, თბილისს მიაშურა, პირადად ინახულა ილია ჭავჭავაძემ, უამბო თავისი უბედურება და სთხოვა, მისი ქმარი როგორმე გადასახლებიდან დაეხსნა, ხოლო თუ ამას ვერ მოახერხებდა, უკიდურეს შემთხვევაში „ეტაპით“ ციმბირში გაგზავნა მაინც აეცილებინა. ილია ჭავჭავაძემ, რომელიც პატივსა სცემდა მიტროფანე ლალიძეს, როგორც უაღკოპილო წყლების საუკეთესო ოსტატს და საქართველოში კულტურული საქმიანობის ერთ-ერთ ხელშემწყობს, როგორც იქნა, მოახერხა მისი განთავისუფლება.

მას შემდეგ არ გასულა დიდი დრო და მიტროფანემ აკაკი წერეთლის რჩევითა და ილია ჭავჭავაძის დახმარებით 1906 წლის ბოლო თვეებში თბილისშიც გახსნა უაღკოპილო სასამე-

ლების ქარხანა. წყლების გასაყიდად გოლოვინის (ახლანდელი რუსთაველის) პროსპექტზე მოაწყო მალაზია. მან წყლების ფირმის ქართული წარწერა ზემოთ გააკეთა, ხოლო რუსულში ქვემოთ, რაც მეფის მთავრობის დროს აკრძალული იყო. მახსოვს, მიტროფანე ლალიძეს მეფის მოხელეებმა ეს დიდ დანაშაულად ჩაუთვალეს და დაპატიმრება მოუნდომეს, მაგრამ იგი კვლავ ილიამ გადაარჩინა.

როგორც ილია ჭავჭავაძის თანამედროვეს, ძალიან კარგად მახსოვს: ჩვენში ყველას, ვინც ქვეყნისათვის სასარგებლო საქმეს აკეთებდა, დიდი იქნებოდა ის, თუ პატარა, ყოველთვის ზელს უწყობდა და ის დახმარებაც, რომელიც მან 1906 წელს ორჯერ აღმოუჩინა მიტროფანე ლალიძეს, ნამდვილად მამულიშვილური დახმარების განსახიერება იყო.

მიტროფანე ლალიძის დამზადებული უაღკოპოლო წყლები დღეს სახელგანთქმულია არა მარტო საქართველოში, არამედ დიდი საბჭოთა კავშირის ყველა რესპუბლიკაში და საზღვარგარეთაც“.

1930 წელს მიტროფანე ლალიძე აფხაზეთში ცნობილმა რევოლუციონერმა ნესტორ ლაკობამ მიიწვია სამუშაოდ. იგი გაემგზავრა სოხუმში, სადაც მისი ხელმძღვანელობით აშენდა ხილველი წყლების ქარხანა. აქ მუშაობდა მისი ცოლისძმა ნ. ვახანია და მიტროფანეს შვილი, ამჟამად ცნობილი პროფესორი რამაზ ლალიძე. ლალიძის წყლებმა ფართო პოპულარობა მოიპოვა არა მარტო სოხუმელ, არამედ უცხოელ ტურისტთა შორისაც.

მიტროფანე ლალიძე მრავალი დიდმნიშვნელოვანი ეროვნული საქმის ხელმძღვანელი და წამომწყები იყო. გარდა იმისა, რომ იგი, როგორც თვითონ წერს, ავტორია და შემქმნელი

მანამდე ჩვენთვის უცნობი ხილული წყლების რეცეპტისა, ის ეკონომიკურადაც ხელს უწყობდა და ეხმარებოდა ქართველ მწერლებს, მსახიობებსა და ხელოვნების სხვა მოღვაწეებს.

ლალიძემ ქუთაისში დააარსა საგამომცემლო ამხანაგობა, სადაც ბეჭდავდა ქართველი მწერლების თხზულებებს და ავრცელებდა ხალხში. ამით ის ხელს უწყობდა ჩვენი მწერლობის პოპულარობას ფართო მასებში.

1896 წელს გაზეთი „ცნობის ფურცელი“ წერდა: „მ. ლალიძის, კილაძისა და ხელაძის სტამბაში დაიბეჭდა „ხუმრობა“ აკაკისებურად და ღირს ერთი შაური. ჩვენ სიამოვნებით აღვნიშნავთ, რომ ამ ბოლო დროს იაფფასიანი წიგნები ბლომად იბეჭდება“, და იქვე გაზეთის კორესპონდენტი სთხოვს წიგნების გამოცემის ამხანაგობას, რომ უფრო მეტი გამოსცენ იაფფასიანი ბროშურები, იაფფასიანი წიგნები, რომ ხელმისაწვდომი გახდეს ჩვენი დროის ეკონომიკურად ღარიბი მკითხველისათვის, რომელსაც ძვირად ღირებული წიგნების ყიდვა უჭირს.

მიტროფანე ლალიძე ახალგაზრდობიდანვე ეძებდა სამოღვაწეო კუთხეს, სადაც მას მეტი შესაძლებლობა, მეტი გაქანება მიეცემოდა, რომ ერში, თავის ხალხში სახელი და დიდება დაემკვიდრებინა. ამიტომ ის პირველად ხელს ჰკიდებს ისეთ დიდ და კულტურულ საქმეს, როგორიც წიგნების გამოცემაა და

---

<sup>1</sup> ნარკვევში ფართოდ არ შევხებივართ მიტროფანე ლალიძის რეცეპტით გამოშვებული სურნელოვანი წყლების დამზადების ტექნოლოგიურ მხარეს. ამის შესახებ არსებობს საინტერესო გამოკვლევები, რომლებიც ეკუთვნის თვით მიტროფანე ლალიძეს („უალკოპოლო სასმელების წარმოება საქართველოში“), მეორე კი — მის შვილს, მეცნიერების დამსახურებულ მოღვაწეს რამაზ ლალიძეს („უალკოპოლო სასმელება“). ეს უკანასკნელი დაბეჭდა გამომცემლობა „ტიქნია და შრომა“ 1953 წელს.

მნიშვნელოვანი წვლილი შეაქვს ამ მეტად ეროვნულ საქმეში. ის ხალხში აღვივებს წიგნისადმი ინტერესს და სიყვარულს. როგორც ვთქვით, ძველად წიგნის გამოცემის საქმე მეტად რთული იყო და მძიმე, არა მარტო ეკონომიკური უსახსრობის გამო, არამედ იმის გამოც, რომ მეფის ცენზურა ყოველგვარ პროგრესიულს და მოწინავე აზრს სასტიკად სდევნიდა და ავიწროებდა. ვინ იცის, რამდენი დაბეჭდილი და აკინძული, ჯერ კიდევ საღებავშეუმშრალი წიგნი მეფის ცენზურას აუკრძალავს, მოუსპია და გაუნადგურებია, ისე რომ ფართო მკითხველს მისი არსებობა არც კი გაუგია. ასეთ სასტიკ საცენზურო პირობებში ქართული კულტურისა და წიგნის მოყვარულნი დიდი გარჯითა და წვალებით მაინც ახერხებდნენ წიგნის გამოცემას. ისინი არ უშინდებოდნენ მოსალოდნელ საფრთხეს და რაინდულად განაგრძობდნენ წიგნების გამოცემას.

1898 წელს მიტროფანე ლალიძემ გამოსცა ქართველი მწერლების პოემების კრებული, ილია ჭავჭავაძის „აჩრდილი“, აკაკი წერეთლის „მომაკვდავის ჩვენება“, ვახტანგ ორბელიანის „იმედი“ და სხვა. აკაკი წერეთლის სალიტერატურო მოღვაწეობის 50 წლისთავთან დაკავშირებით მან 1908 წელს ქუთაისში გამოსცა აკაკის საიუბილეო კრებული, „წმინდა ნინო და ქრისტიანობის შემოღება საქართველოში“. წიგნს ყდაზე აწერია: „მთელი ამ გამოცემის შემოსავალს, ნიშნად ღრმა პატივისცემისა, ეუძღვნე დიდებულ იუბილარს აკაკის 50 წლის მოღვაწეობის სახსოვრად“.

ასეთი თავდადებით უყვარდა მიტროფანე ლალიძეს ქართული ლიტერატურა და ქართული ხელოვნება.

მიტროფანე ლალიძე აგრეთვე ბეჭდავდა წერილებსა და კორესპონდენციებს „ივერიაში“, „კვალში“, „სახალხო გაზეთში“, „დროებაში“, „ცნობის ფურცელში“. იგი თავის წერილებ-

ში მკაცრად აკრიტიკებდა მაშინდელ საზოგადოებრივი ცხოვრების უკუღმართობას და ხალხთა სიღუბნეობას, აანალიზებდა და აღნიშნავდა, რომ საჭიროა ხალხს მიეცეს თავისუფლება, თავისი ცხოვრების უკეთ მოწყობის საშუალება და უფლება.

როგორც ცნობილია, ქართველმა მწერლებმა და საზოგადო მოღვაწეებმა მთელი ლიტერატურა შექმნეს დავით სარაჯიშვილის ეროვნული მოღვაწეობის შესახებ. და მერე ვინ არიან ამ ლიტერატურის შემქმნელები? ჩვენი დიდი მწერლები და საზოგადო მოღვაწეები — აკაკი წერეთელი, იაკობ გოგებაშვილი, ალექსანდრე ხახანაშვილი, ლუარსაბ ბოცვაძე, მოსე თოიძე, ივანე მაჭავარიანი და სხვები.

მიტროფანე ლალიძე თავისი კეთილსინდისიერებით, კაი კაცობითა და ეროვნული მოღვაწეობით, მართლაც, მეორე დავით სარაჯიშვილი იყო, ამის სანიმუშოდ ჩვენ მოვიყვანთ მეტად საინტერესო მოგონებას, რომელიც ეკუთვნის გამოჩენილ მწერალსა და საზოგადო მოღვაწეს იოსებ იმედაშვილს.

„ეურნალის განახლებას ნებართვა უნდა, რადგან ჩემს სახელზე ნებას აღარავენ მომცემს, ცოლის სახელზე ნებართვის აღებას კი მარკა დასჭირდებოდა... ამ ფიქრით სახლის პირდაპირ ეკლესიის გაღვანს მივეყრდენ, ფიქრში წავედი. შევნიშნე ჩემკენ მომავალი მიტროფანე ლალიძე.

— გამარჯობა, იოსებ!

— გაგიმარჯოს!

— რასა იქ, რას ჩაფიქრებულხარ?

— გეთაყვა, მიტროფანე, თუ შეგიძლიან, ერთი ან ორი მარკა უნდა მიბოძო (რადგან ვიცოდი, რომ ამას მარკები მუდამ ჰქონდა).

მიტროფანემ ალბათ გაიფიქრა: „ფულის თხოვნა ვერ გაუბედნია, მარკას თხოულობსო“. ამიტომ საფულე გადამიშალა და მითხრა:

— რამდენიც გნებავს, ინებე.  
საფულეში ოქროს ხუთმანეთიანები და მანეთიანები  
ბრჭყვიალებდა.

— არა, მიტროფანე, ფული არ მინდა, მარკები მინდა, მარკები!  
კები!

— მარკები გინდა?

— დიახ, ჟურნალის გამოცემა უნდა განვაახლო და ამისათვის მარკები მჭირდება, ორი თხუთმეტმეურთიანი მარკა.

— ჟურნალი უნდა განაახლო? კარგია, — მითხრა და საფულეს მეორე განყოფილება გადახსნა, ორი მარკა მომცა და მითხრა:

— რა ეღირება?

— ალბათ ისევ ხუთი მანეთი.

— მაშ, აი ორი ნომერიც მე გამომიგზავნე, — მითხრა და ამასთანავე ორი ოქროს ხუთიანი გამომიწოდა.

— ბატონო მიტროფანე, იქნებ ნება არც კი მომცენ.

— სულ ერთია, აიღე. შენ თუ მოინდომე, ნებასაც იშოვი. ორი ოქროს ხუთიანი ჯიბეში ჩამიდო.

მიტროფანეს ამ გულისხმიერებამ ისე აღმიტაცა, რომ საჩქაროდ ავირბინე სახლში, არზა დავწერე გუბერნატორის სახელზე ჩემი მეუღლის ანა ჟურნალის მაგივრად და ხელმოსაწერად გავუწოდე<sup>1</sup>.

მიტროფანე ლაღიძე, როცა ხელს უწყობდა და ეხმარებოდა ამა თუ იმ მწერალსა და ლიტერატორს, თავიდანვე კარგად ერკვეოდა, თუ რა დიდი მნიშვნელობა ჰქონდა ერის სახელოვანი

<sup>1</sup> იგულისხმება ღერბის მარკები, რომლებსაც აკრავდნენ თხოვნას რაიძე ნებართვის მისაღებად — ა. ს.

<sup>2</sup> იოსებ იმედაშვილი — „ჩემი ცხოვრების წიგნი“. გამომცემლობა „ხელოვნება“, 1978, გვ. 170.



ისტორიის აღსანუსხავად ხელოვნებისა და ლიტერატურის გან-  
ვითარებასა და წინსვლას.

როდესაც საგურამოში ილიას განთქმულ პურ-მარილზე  
ქართველი მწერლები და საზოგადო მოღვაწეები შეიკრიბებო-  
დნენ, — წერს არტურ ლასტი, — მათში მუდამ მეგობრული  
სული ტრიალებდა, ისინი ერთ მთლიან ოჯახს შეადგენდნენ და  
მაშინდელ დროში სრულიადაც არ ფიქრობდნენ პარტიებად  
დაყოფას<sup>1</sup>. ეს მწერლები და საზოგადო მოღვაწეები ყველგან  
შეგობრობას, სიყვარულს, მამულიშვილობას და გულუხვობას  
ნერგავდნენ.

ილია ჭავჭავაძის მიერ ამ მეგობრობისა და პურ-მარილის  
დიდ ტრადიციას ჩვენში აგრძელებდნენ დავით სარაჯიშვილი  
და მიტროფანე ლალიძე. ეს პურ-მარილი და მეგობრული შე-  
ხვედრა-გასაუბრება, რომელსაც ილია აწყობდა რომელიმე  
მნიშვნელოვანი თარიღის აღსანიშნავად ხან საგურამოში, ხან  
კი ყვარელსა და თბილისში, უბრალო ღრეობა და წრეს გადა-  
სული ლოთობა არ ყოფილა, არამედ აქ იყო პაექრობა და  
აზრთა ჭიდილი ჩვენი ხალხის გამირულ წარსულზე, მის ნათელ  
მომავალზე.

და როცა დავით სარაჯიშვილი ან მიტროფანე ლალიძე  
აწყობდნენ ასეთ შეხვედრებს, ისინიც უსათუოდ ილიასეული  
საზოგადოებრივ-ლიტერატურულ ხასიათს ატარებდნენ. მიტ-  
როფანე ლალიძე არაფერში არ იხევდა უკან, არც პურ-მარილის  
გამართვაში და არც გაჭირვებული ხელოვნის დახმარებაში.  
ვინ იცის, რამდენჯერ გაუწოდებია მას თავისი მადლიანი და  
გულუხვი ხელი ქუთაისსა თუ თბილისში მომუშავე გაჭირვებუ-  
ლი და ღარიბი ხელოვნებისა და ლიტერატურის მოღვაწისა-  
თვის.

<sup>1</sup> არტურ ლასტი — „საქართველოს გული“, გვ. 29.

ასეთი იყო ეს ხალხი, ასე დარჩება ჩვენი ლიტერატურისა და კულტურის ისტორიაში.

„ოდეს კაცსა დაეჭიროს, მაშინ უნდა ძმა და თვისი“ — რუსთაველის ამ სტრიქონს ხშირად იმეორებდა პაოლო იაშვილი და ჩვენც ამით ვიწყებთ იმ მცირე მოგონებას, რომელიც ვალერიან გუნიას, ტიცციან ტაბიძის, პაოლო იაშვილის, ვალერიან გაფრინდაშვილისა და მიტროფანე ლალიძის მეგობრობაზე მოგვითხრობს.

ქუთაისელ ინტელიგენციას მიტროფანე ლალიძესთან განსაკუთრებული ურთიერთობა და მეგობრობა აკავშირებდა, მაგრამ ვალერიან გუნიას, ტიცციან ტაბიძეს, პაოლო იაშვილს, ვალერიან გაფრინდაშვილს სულ სხვა ურთიერთობა ჰქონდათ მიტროფანესთან. ამ ოთხმა რაინდმა სულ სხვა მეგობრობა იცოდა, ეს მეგობრობა იყო რაღაც უჩვეულო, მეგობრობისათვის ხიფათს არად ავდებდნენ და, როგორც ცოტნე დადიანი, უკან არ დაიხევდნენ, მეგობარს არ მიატოვებდნენ. აი, ერთი პატარა ეპიზოდი მათი მეგობრობის შესახებ.

1921 წელს მიტროფანე ლალიძის წყლების ქარხანას რუსთაველის პროსპექტზე, იქ სადაც ამჟამად კავშირგაბმულობის სამინისტროა, ცეცხლი მოედო. ქარხანა ქვედა სართულზე იყო განლაგებული, ზემო სართული კი რომელიღაც დაწესებულებას ეკავა, და, აი, ამ შენობის ზედა ნაწილს, რაღაც ზოროტმოქმედების კვალის დასაფარავად ვიღაცამ ცეცხლი წაუკიდა. ცეცხლში გაეხვია ლალიძის ქარხანაც. სასწრაფოდ სახანძრო რაზმი გამოიძახეს. ამ დროს დარეკეს ოპერა იწვისო და ეს სახანძრო რაზმი იქ გაგზავნეს, ვითომდა ცეცხლის ჩასაქრობად. ოპერას კი ცეცხლი არ გასჩენია. ეს იყო ზოროტმოქმედთა ხრიკები.

მიტროფანე ლალიძის წყლების ქარხანაში ცეცხლის გაჩე-

ნის ამბავი მთელ თბილისს მოედო. აქვე გაჩნდნენ თბილისის მთელი ინტელიგენცია, მიტროფანეს მეგობარ-ნაცნობები, მათ შორის ვალერიან გუნია, ტიცვიან ტაბიძე, პაოლო იაშვილი, ვალერიან გაფრინდაშვილი და სხვები.

მეხანძრეთა გარეშე დარჩენილ ცეცხლს შეუტიეს — უნდოდათ გადაერჩინათ მიტროფანე ლალიძის ქარხანა, ეს ოთხეული რამდენიმე საათს ცეცხლს უშიშრად ებრძოდა, განსაკუთრებით კი პაოლო, იგი შენობის ხან ერთ კუთხეში ეკვეთებოდა ცეცხლს და ხან მეორეში. ამ დროს მან შენიშნა რომ ფილოსოფიურად დაფიქრებული ნელი ნაბიჯით, აულელებელად მოდიოდა მიტროფანე.

— შენ, პეი, ბატონო მიტროფანე, როგორ დინჯად მოდიხარ, ხომ ხედავ ქარხანა იწვის, — ხმამაღლა უთხრა თურმე კვამლით მთლად გაშავებულმა პაოლომ. მიტროფანე კი მაინც დინჯად და აუჩქარებლად მოდიოდა.

შემდეგ ხშირად ამ ამბავს პოეტი სიცილით იგონებდა ხოლმე და ამბობდა: რა კაცია ეს მიტროფანე, როგორი დინჯი და აულელებელი! ჩვენ ყველანი გამურული ვიყავით კვამლით, ის კი აუფორიაქებელი იყო. თუმცაღა, — იგონებს პოეტი, — მის შშვიდ და წყნარ სახეს სევდა და დარდი გადაკრავდა მომხდარი შემთხვევის გამო.

ასეთი თავდადებული იყო პაოლო თავისი მეგობრებისა და ამხანაგების მიმართ, როდესაც ამას საჭიროება მოითხოვდა.

ჩვენი კულტურის დიდი კერის — გელათის აკადემიასთან ახლოს, სოფელ ჭოლეგში დაბადებული მიტროფანე ბავშვობიდან, ალბათ, ხშირად ისმენდა როგორც გელათელი განსწავლული ბერებისაგან, ისე მშობლებისაგან ქართველი ხალხის გმირული თავგადასავლის ისტორიას, ეცნობოდა მის უძველეს კულტურასა და ხელოვნებას, ამან თუ შეაყვარა ასე უზომოდ

ჩვენი ძველი ლიტერატურისა და ხელოვნების ისტორია. ხელოვნებისა და ლიტერატურის დიდმა სიყვარულმა ის დააკავშირა და დაახლოვა ილიასა და აკაკის. შემდეგ კი გამოჩენილ ქართველ მოღვაწეებს: თედო სახოკიას, ივანე ჯორჯიშვილს, ვასო აბაშიძეს, კოტე მაყაშვილს, შალვა ნუცუბიძეს, ალექსანდრე ჭანელიძეს, დიტო უზნაძეს, ვუკოლ ბერიძეს, აკაკი ფაღვას და სხვებს. შალვა დადიანი და კონსტანტინე გამსახურდია კი ხშირად ყოფილან სტუმრად ლალიძის კეთილ და სტუმართმოყვარე ოჯახში.

გალაკტიონ ტაბიძე, გიორგი ქუჩიშვილი, არნო ონელი, შალვა კაშიაძე, ლადო მაჭავარიანი და ამ სტრიქონების ავტორი ხშირად მივდიოდით კრუზენშტეინის ქუჩაზე (ამჟამად წულუკიძის ქუჩა), სადაც ლალიძეს ლიმონათის წარმოება ჰქონდა.

მიტროფანე ლალიძე იყო ჩვენი ეროვნული კულტურის დიდი მოყვარული და მოამაგე. მთელი მისი წარმოება ქუთაისსა და თბილისში ამ კულტურის დაცვასა და განვითარებას ემსახურებოდა. ამიტომ ჰქონდა ასე ახლო ურთიერთობა ქართული ხელოვნების მოღვაწეებთან, მწერლებთან, კომპოზიტორებთან, მხატვრებთან, მსახიობებთან და ხელოვნებისა და ლიტერატურის მრავალ სხვა მოღვაწესთან.

მიტროფანე ლალიძე, როგორც ზემოთ აღვნიშნეთ, ყოველთვის ხელს უწყვიდა და ეხმარებოდა ღარიბ და დაჩაგრულ ადამიანს. ამ სტრიქონების ავტორი ძალიან ახლოს იცნობდა მას. 1926 წელს მიტროფანე ლალიძე გამაცნო ჩემმა ქაბუკობის მეგობარმა ვასია ოკუჯავამ, მიტროფანეს შვილის ვახტანგის მეშვეობით და შემდეგ მასთან შინ დავდიოდი. რა გულუხვი პატივისცემა და დახმარება მახსოვს მისგან! ერთხელ ჩოხა-ახალუხიც კი შემიკერა — ქართული ტანსაცმლის მეკრავ სან-

დრო ფარცხალაძესთან, შემდეგ ფოტოგრაფ ვეტიხი ქვანიას-  
თან წამიყვანა და სურათი გადამიღო.

ვასია ოკუჯავა, რომლის სახელი და გვარი აქ ვახსენე და  
რომელმაც მიტროფანე ლალიძის ოჯახთან დამაახლოვა, იყო  
გალაქტიონ ტაბიძის მეუღლის ოლია ოკუჯავას უმცროსი ძმა,  
რომლის შესახებაც ის 1938—1939 წლებში გადასახლებიდან  
გულდამწვარ სტრიქონებს წერს გალაქტიონ ტაბიძეს: „ვალ,  
ამდენჯერ მოგწერე და მაინც ვერ გავიგე, როგორ არის ვასკა,  
ჩემი ძვირფასი ბიჭუნა?“

ოლიას ისევ არ ასვენებს ვასიაზე ფიქრები და 1939 წელს  
განმეორებით სწერს გალაქტიონს: „სად და როგორ არის ჩემი  
საყვარელი ვასილკა?!”

რად, ეს ფაქტი დღეს ყველასათვის ცნობილია.

ეს ამბავი აქ იმიტომ გავიხსენე, რომ ადრე მიტროფანე  
ლალიძე დიდ დახმარებას უწევდა გალაქტიონს ეკონომიკუ-  
ულკოპოლო სასმელების ქარხნის ლაბორატორიის გამგემ  
ცილა მგელაძემ, სადაც მიტროფანე ლალიძე კონსულტანტად  
მუშაობდა, აი რა გაიხსენა: „მიტროფანე ლალიძემ, უალკოპო-  
ლო სასმელების დამზადების უბადლო ოსტატმა, ჩემზე წარუ-  
შლელი გავლენა მოახდინა. ის თავის საყვარელ საქმეს ძალიან  
ფაქიზად უდგებოდა. ასეთი იყო ის ჩვენდამი მოპყრობასა და  
დამოკიდებულებაშიც, ის მუდამ გვასწავლიდა, ისე სიყვარუ-  
ლით, ისე სათუთად მოგპყრობოდით დაკისრებულ საქმეს, და-  
კისრებულ მოვალეობას, როგორც თვითონ ეპყრობოდა. მას  
ძალიან უყვარდა ილიას სტრიქონების ხშირად განმეორება“:

1 იხ. „პოეზია უპირველეს ყოვლისა“, გვ. 201—203. გამომც. „მერა-  
ნი“, 1978. შეადგინა ვახტანგ ჭავჭავაძემ და ტარიელ ჭანტურიაშ.

კაცად მაშინ ხარ საქები,  
თუ ეს წესი წესად დარგე:  
ყოველ დღესა შენს თავს ჰკითხო, —  
აბა დღეს მე ვის რა ვარგე?



მიტროფანე ლალიძის სახელი, მისი ესოდენ დიდი პოპულარობა ქართველი ხალხის მეხსიერებას ზღაპარით გაჰყვება მანამდე, სანამ საქართველოში არ გამოილევა ის სურნელოვანი ხილეულის წყლები, რომელსაც განცვიფრებაში მოჰყავს არა მარტო ქართველი, არამედ უცხოელიც.

ამიტომ იქნებ აუცილებელიც იყოს, რომ რუსთაველის პროსპექტზე მდებარე სახლს, სადაც მიტროფანე ლალიძის სახელით ცნობილი ხილეულის წყლები იყიდება, ამ უანგარო მოღვაწის პატივსაცემად მემორიალური დაფა გაეკრას.

წყალსაც უნდა დაეუბრუნოთ ის არომატი და სიტკბო, რითაც ასე შორს იყო გავარდნილი ლალიძისა და მისი რეცეპტით გამოშვებული ხილეული წყლების სახელი. ეს იქნება გამოჩენილი ქველმოქმედისა და საზოგადო მოღვაწის მიტროფანე ლალიძის საუკეთესო მემორიალი.

მიტროფანე ლალიძე მრავალმხრივი საზოგადო მოღვაწეა, ასევე დარჩება ქართული კულტურის ისტორიაში.

რედაქტორი ო. ცინცაძე  
მხატვრული რედაქტორი ლ. ღვინჯილია  
ტიქნიკური რედაქტორი ლ. ჭელიძე  
კორექტორი ე. ყარყარაშვილი  
გამომშვები დ. იაშანიძე

გადაეცა წარმოებას 19/XI-79 წ. ხელმოწერილია დასაბეჭდად 24/IV-80 წ.  
საბეჭდი ქალაქი № 1. 70X108<sup>1</sup>/<sub>32</sub>. პირობითი ნაბეჭდი თაბახი 2,1.  
საალრ.-საგამომც. თაბახი 1,63.  
უე 06060. ტირაჟი 5.000. შეკვ. № 1166.  
ფასი 5 კაპ.

გამომცემლობა „საბჭოთა საქართველო“  
თბილისი, მარჯანიშვილის 5.



**СИГУА АЛЕКСАНДР КОНДРАТЬЕВИЧ**

**Митрофан Лагидзе**

(На грузинском языке)

Издательство «Сабчота Сакартвело»

Тбилиси, Марджанишвили, 5

1980





საქართველოს კვების მრეწველობის სამინისტრო  
„საქმინხილწყლების“ სამმართველო

საქართველოს სსრ გამსახკომის თბილისის, № 4 სტამბა  
380060, მედჭალაქის II კორპ.

Тбилисская типография № 4 Госкомиздата  
Грузинской ССР. Тбилиси 380060. Медгородок, II корп.



**გამომცემლობა „საბჭოთა საქართველო“  
გამოსცა:**

- ლ. ბერძენიშვილი — „ნამგალა ხეხილი, მისი მოვლა და გაშენება“
- ბ. კობლიანიძე, შ. ჩოგოვაძე — „ქართული თაფლი“
- ნ. შონია — „სოფლის მეურნეობის დარგობრივი სტრუქტურა საქ. სსრ-ში“
- თ. ჯინჯიხაშვილი — „ქარგი ხარ, ჩემო სოფელო“

**მალე გამოვა:**

- ა. ბიბიჯორი — „ჩვენი ტყეების ბინადრები“
- ო. ვაშაძე — მეცნიერულ-ტექნიკური პროგრესი და წარმოების ეფექტიანობა საქ. სსრ-ში“
- თ. აძინაძე — „მღვიმეები და კაცობრიობა“
- ე. ლობჯანიძე — „ჩვენი უძველესი თანამგზავრი“
- რ. შორჯანი — „საქართველოს იშვიათი ფრინველები“
- ბ. ტალახაძე, ი. ანჯაფარიძე, ი. ცომაია — „ნიადაგი და ვაზი“
- ნ. შითანავა — „სასოფლო-სამეურნეო წარმოების ორგანიზაციისა და მართვის სრულყოფა“

525/10

